

Հ. Էնտերկյան

ՀԱՅԱՍՏԱՆԻ ՍՈՒԹԵՏՆԵՐԻ ԱՌԱՋԻՆ ՀԱՄԱԳՈՒՄԱՐԸ

1921 թ. ապրիլի 2-ին ջախջախվեց դաշնակցականների փետրվարյան ավանտյուրան։ Դաշնակցների մի մասին հաջողվեց փախչել Զանգեզուր, որտեղ տխրահռչակ խմբապետ Նեգինը փորձում էր հենվելով արտաքին ուժի վրա՝ Զանգեզուրը պլանցգարի դարձնել և շարունակել պայքարը Սովետական իշխանության դեմ։ Սակայն պարզ էր, որ Զանգեզուրում ես նրանք երկար դիմադրել չէին կարող։ Շուտով սովետական զորամասերը մաքրեցին Զանգեզուրը դաշնակցականներից։ 1921 թ. հուլիսի 15-ին ազգական զործուղությունները Զանգեզուրում վերջացան, և ջարդված դաշնակցական բանդաների մնացորդները փախան Փարսկաստան։

1921 թ. ապրիլի վերջին թյուրքական օկուպացիոն զորքերը թողին Ալեքսանդրոպոլի գավառը, որը նրանք զրավել էին 1920 թ. դաշնակցական Հայաստանի և բոմայական Թյուրքիայի միջև ծաղած պատերազմի հետեանքով։ Չտեսնված ծանր օրեր ապրեց այդ գավառի բնակչությունը օկուպացիայի ամբողջ մասանակալը ջանում։ Բնակչությունը բռնադատվում էր, իսկ զույգը՝ թե մասնավոր և թե պետական՝ հափշտակվում։ Հայկական ՍՍԲ Պետական Կենտրոնական Արխիվում պահվող նյութերը ցույց են տալիս, որ թյուրքերը Կարսի մարզում, Ալեքսանդրոպոլի գավառում և այսպես կոչված «չեղոք» գոտում, որը հասնում էր գրեթե մինչև Կիրովական, սպանել էին մոտ 30 հազար տղամարդ, 30 հազար կին և երեխա. բացի այդ, սովից մեռածների թիվը հասնում էր 32 հազարի։ Այդ վայրերից թյուրքերը աշխատանքի էին քչել էրզրումի ուղղությամբ մոտ 15 հազար մարդ, որոնց մեծ մասը չվերադարձավ առևն։ Պետական ու մասնավոր զույգի հափշտակումը շտեպնված չափերի էր հասել և կրում էր սխտեմատիկ բնույթ։ Տանում էին ամեն ինչ՝ սկսած պատուհանների, դռների շրջանակներից, մինչև շոգեքարշերը, վազոնները, գյուղատնտեսական գործիքները, Ալեքսանդրոպոլում ցերեկով օկուպանտների սայլը կանգնում էր այս կամ այն տան առջև։ Թյուրք զինվորները մանում էին ներս և հանում իրենց ցանկացած իրերը։ Ոչ լրիվ տվյալներով, Կարսի մարզի և գավառի գյուղերից տարել էին մոտ 32 հազար խոշոր և 28 հազար մանր եղջյուրավոր անասուն, 850 հազար փութ հացահատիկ և այլն։ Այս բոլորը դեռ քիչ էր թվում օկուպանտներին։ Դավառը թողնելուց առաջ թյուրքական հրամանատարությունները իր պարտքը համարեց լիտիարար սպառնալ չայերին նոր արշավով։ Թյուրքական հրամանատարությունը ներկայացուցիչ Բյազիմ-բեյը քաղաքի ներկայացուցիչների հետ վերջին անգամ հանդիպման մասնակ հայտարարեց։

«Մենք գնում ենք, կարմիրները զալիս են... Եթե մենք մի անգամ

էլ գանձ՝ քարը քարի վրա չենք թողնելու Ալեքսանդրապոլում, երեխաներն անգամ չեն խնայվի, բոլորին կկոտորենք: Այն, ինչ արինք այս անգամ՝ դեռ բախտ սփռութիւն էր. զգուշացիք մեր հրրորդ անգամ այստեղ գալուց»¹

Դաշնակցականների հանցավոր քաղաքականութեան պատճառով ծագած քաղաքացիական պատերազմը նոր հարված հասցրեց Հայաստանի առանձն աշխարհին համախարհային պատերազմի տարիներին և, մանավանդ, դաշնակցականների տիրապետութեան օրոք քայքայված տնտեսութեանը: Արարատյան դաշտի գյուղերը, Դարալապյազը, Զանգիզուրը, Իջևանը, Ալեքսանդրապոլի և Ղարաքիլիսայի գավառները սովի ծանր օրեր էին ապրում: Գաղաքացիական պատերազմի պատճառով գարնանացանը ուշացել էր: Գյուղացիութեան ճնշող մեծամասնութիւնը չուներ սերմացու և լըծկան: Սովետական իշխանութեան հաստատումից հետո իրենց ավերված գյուղերը վերադարձան մոտ 100 հազար աղքատների գյուղացիներ², որոնք նույնպես ոչինչ չուներին և որոնց անրաժեշտ էր օգնել և սերմացուով և լըծկաններով: Չնայած Սովետական իշխանութեան առջև ծառացած այս հսկայական զգալիութիւններին, անրաժեշտ էր օգտագործել գարնան մուսոնային փոթին օրերը և վարել ու ցանել յնչքան որ հնարավոր էր: Ապրիլի 3-ին, այսինքն՝ Սովետական կառավարութեան՝ քաղաքացիական կռիւից հետո Երևան մտնելու օրը, կառավարութեան կողմից տրվեց հրաման, որով առաջարկվում էր սովետական բոլոր օրգաններին անմիջապէս վերսկսել քաղաքացիական պատերազմի պատճառով ընդատված իրենց աշխատանքները: Այդ հրամանի հրդ կետում ասվում էր.

«Պարտողկոմի վրա պարտականութիւն է դրվում Հանրապետութեան պարենային միջոցների հայտնաբերման հետ միասին անմիջապէս ամենաեռանդուն կերպով ձեռնարկել սերմացուների պատրաստման և բաշխման»:

Գյուղացիութեան հնարավորութեան սահմաններում բաշխվեց սերմացու — 71 հազար փութ ցորեն և 15 հազար փութ կորեկ: Չնչին էր այս քանակութիւնը, բայց ուրիշ ելք չկար — ժամանակը չէր սպասում:

Սակայն երկիրը հանել տնտեսապէս միանգամայն քայքայված դրութիւնից, ազատել ժողովրդին սովից, հնարավոր չէր առանց Սովետական Ռուսաստանի օգնութեան: Ռուս մեծ ժողովուրդը սկսել էր օգնութիւն ցուլց տալ հայ ժողովրդին՝ Սովետական իշխանութիւնը Հայաստանում հաստատվելուց հենց առաջին օրերից հետո, բայց Վրաստանի մենշևիկյան կառավարութիւնը իմպերիալիստական պետութիւնների հետ միասին, քանկանալով խեղդել Սովետական իշխանութիւնը Հայաստանում՝ չէր թույլատրում իր տերիտորիայով անցնող երկաթուղով Հայաստան փոխադրել Սովետական Ռուսաստանից ե Աղբրեջանից ուղարկվող պարենը և վառելանյութը: Հետո վրա հասավ քաղաքացիական պատերազմը, որի վերջանալուց և Վրաստանում Սովետական իշխանութեան հաստատումից հետո այդ արգելակը վերացավ: Ապրիլի 6-ին Հայաստանի Ռեկոմը հեռագրով դիմեց ընկեր Ս. Օրջոնիկիձեին և օգնութիւն խնդրեց:

¹ Հայկական ՍՍՌ Գեառական հենաբռնական Արխիվ, ֆոնդ № 12/114, գործ № 172, քերթ 7.

² Հայաստանի Սոց. Խորհրդ Հանրապ. Ժողովրդ. Կոմիսարիատների 1920—1922 թ. թ. հաշվետիւթիւն, Երևան, 1923 թ. էջ 26.

³ «Պրոլետարիատ», № 61, 9 ապրիլի 1921 թ.

«Նրանից հեռանալով, ասվում էր հեռագրում, — զաշնակներն իրենց հետ տարիլ են պետական արժեքները ու ընդհանուր դրամանիշները՝ թե խորհրդային և թե հայկական: Խնդրում ենք հեռահեղ ընդունել առնվազն մեկ միլիարդ խորհրդային դրամանիշներ: Պարսկաստանում պարեն պատրաստելու մեզ ու ավերված Նախիջևանի համար անհրաժեշտ է վալյուտա ունենալ: Թախանձանքով խնդրում ենք այդպիսին ընդունել հեռահեղ»:

Չնայած այն հանգամանքին, որ Սովետական Ռուսաստանը ինքր ևս գտնվում էր տնտեսական դժվարին վիճակում, բայց և այնպես օգնեց Հայաստանի աշխատավորներին մեկ և կես միլիոն ռուբլի ոսկով, պարենով, մեկ միլիոն 350 հազար արշին մանուֆակտուրայով, որի կարիքը Հայաստանում շատ մեծ էր, կարելի է ասել՝ պարենից պակաս չէր ինչդեպ և օգնեց սերմացուով, դուրյա տնտեսական գործիքներով — գուլթաններով, զերանդիններով, սեպատորներով և այլն:

1921 թ. աշնանը և 1922 թ. գարնանը, պարտիական և սովետական կազմակերպությունները երկուսն աշխատանք ծավալեցին ցանքերի տարածությունը լայնացնելու համար Գավառներում, քրջաններում և դուղերում կազմակերպվել էին հատուկ կոմիտեներ, որոնք իրենց հսկողության տակ էին առել աշնանացանի և գարնանացանի աշխատանքները: Սովետական իշխանությունը լուծեց սերմացուի և լծկանների խնդիրը: 1921 թ. աշնանը և 1922 թ. գարնանը բաժանվեց 32, հազար փութ սերմացու, որից Սովետական Ռուսաստանից ստացվել էր 100 հազար փութ, արտասահմանում Սովետական Ռուսաստանից ստացված վալյուտայով գնվել էր 135 հազար փութ, իսկ մնացած մասը հավաքվել էր տեղում:¹ Սերմի մեծ մասը բաշխվեց գյուղացիներին: 1922 թ. գարնանը, Պարսկաստանում գնվել էին նաև լճկան անասուններ և ձրիարար բաժանվեցին դրանց կարիքն ունեցող գյուղացիներին:

Գյուղացիությունը շտեմնված եռանդով լծվել էր աշխատանքի: Կազմակերպվում էին վարի շարաթներ: Ընդունվեցին գյուղի և հարևան գյուղերի, հաճախ և հարևան շրջանի գյուղացիները գալիս էին իրար օգնություն և մեկը մյուսի պակասը լրացնելով՝ վարում էին ու ցանում: 1922 թ. բերքը և Սովետական Ռուսաստանից ստացվող ցորենը ոչ միայն վերջ տվին սովին, այլև հնարավորություն ստեղծեցին զաշնակցականների օրոք իսպառ քաղաքային հասած գյուղատնտեսության այնպիսի կտրեղի վերականգնման, ինչպիսիք են բամբակագործությունը, այգեգործությունը և ծխախոտագործությունը: 1922 թ. Սովետական իշխանությունը բամբակագործությունը զբաղվել ցանկացող գյուղացիների համար ստեղծեց մի շարք բարենպաստ պայմաններ և այդ թվին Սովետական Հայաստանում ցանվեց առաջին 700 դեցյատին բամբակը:

Սովետական իշխանությունը Հայաստանում հաստատվելուց հետո Հայաստանի բոլոր կողմերը անմիջապես ձեռնամուխ եղան քայքայված երկրի նոր սոցիալական տնտեսական և քաղաքական կյանքի ստեղծման դժվարին աշխատանքին: 1920 թ. դեկտեմբերին և 1921 թ. հունվարին

¹ Հայկական ՍՍՀ Պետական հեռաբովանդակ Արխիվ ֆոնդ № 17/130, գործ № 12, ք. 18:

² Հայաստանի Սոցիալիստական Պորհրդային Հանրապետության Ժողովրդական համաժողովներ 1920—1922 թ. թ. հաշվառությունը ... էջ 28—29:

հրապարակվեցին մի շարք դեկրետներ, որոնք վարչական, տնտեսական, իրավական, կուլտուրական և աշխատանքի այլ բնագավառների ղեկավարման համար նոր մարմիններ էին կյանքի կոչում։ Ամենից առաջ անհրաժեշտ էր կազմակերպել իշխանությունը տեղերում՝ գավառներում, շրջաններում և գյուղերում։ Այդ աշխատանքը դրվում է Հայաստանի Ռեկոմի 1920 թ. դեկտեմբերի 2-ի դեկրետով ստեղծված Ներքին Գործերի Ժողովրդական Կոմիսարիատի վրա։ Դեկտեմբերի 6-ի դեկրետով հիմնվում է կոնտրոլուցիայի, չարաչառության և պաշտոնյաների հանցագործության դեմ պայքարող Արտակարգ Հանձնաժողովը։ Դեկտեմբերի 6-ին հրապարակված դեկրետով Սովետական Հայաստանի սահմաններում պետական լեզու հայտարարվում է հայոց լեզուն, իսկ այն վայրերում, որտեղ ապրում էին ադրբեջանցիք, հայերենին կից՝ նաև ադրբեջանականը։ Դեկտեմբերի 6-ին հրապարակված մի ուրիշ դեկրետով կյանքի է կոչվում Պարենավորման Ժողովրդական Կոմիսարիատը։ Դեկտեմբերի 15-ի դեկրետով հիմնվում է Արգարադատության Ժողովրդական Կոմիսարիատը, իսկ նույն ամսի 21-ի դեկրետով վերացվում են ցարական և դաշնակցական կառավարությունների բոլոր օրենքներն ու նրանց փոխարեն Սովետական Հայաստանի սահմաններում մտցվում են Ռուսաստանի Սովետական Սոցիալիստական Ռեսպուբլիկայի օրենքները։ Դեկտեմբերի 28-ին հրապարակված դեկրետով պետականացվում է հողը։ Նույն ամսին կազմակերպվում է աշխատանքի Ժողովրդական կոմիսարիատը։ Այնուհետև դեկտեմբերին և 1921 թ. հունվարին հրապարակված դեկրետներով պետականացվում են բանկը և մի շարք արդյունաբերական ձեռնարկություններ։

Ինչպես ասացինք, տեղերում իշխանության կազմակերպման խնդիրը դրվում էր Ներքին Գործերի Ժողովրդական Կոմիսարիատի վրա։ Իրականացնելով Հայաստանի Ռեկոնցիտն Կոմիտեի 1920 թ. նոյեմբերի 29-ի գեկլարացիան, Ներգործությունները իր 1920 թ. դեկտեմբերի 13-ի հրամանով վերացնում է դաշնակցական կառավարության ժամանակ գործող նահանգապետությունները, քաղաքային ինքնավարությունները, գավառական կոմիսարների և դաշնակցական կառավարության ներքին գործերի նախարարության արտակարգ լիազորների ինստիտուտները, միլիցիայի տեսուչները, նահանգական ատյանները։

Ամբողջ Սովետական Հայաստանի տերիտորիան բաժանվում է ութ գավառի՝ Երեանի (առանց քաղաքի), Էջմիածնի, Ալեքսանդրապոլի, Կարաբիլիսայի, Լոռու, Իջևանի, Նոր-Բայազետի և Դաբալագյազի, որոնց մեջ մտնում էին 33 գավառաժամանակ (շրջաններ)։ Սկսած գյուղից մինչև գավառ իշխանությունները իրենց ձեռքն են վերցնում, մինչև Սովետների ընտրությունները, նշանակովի ունկոմները։ Դավառային ունկոմները կազմակերպում էին շրջանային ունկոմներ, իսկ վերջիններս՝ գյուղական ունկոմներ։ Բոլոր ունկոմների ղեկավարությունը վարչական կարգով դրված էր Ներքին գործերի Ժողովրդական Կոմիսարիատի վրա։ Նա իրավունք ուներ Հայաստանի Ռեկոմի համաձայնությամբ հեռացնել և նշանակել տեղական ունկոմների բոլոր անդամներին՝ մինչև Սովետների ընտրությունները։

Քաղաքացիական պատերազմը վերջանալուց և երկիրը խաղաղ աշխատանքի անցնելուց հետո ունկոմներն իրենց ֆունկցիաները պիտի հանձ-

ներին Սովետներին, որոնք պիտի ընտրվեին: Թե Հայաստանի Ռեկոմը ե թե տեղական ռեկոմները ժամանակավոր վարչական մարմիններ էին, որոնք նոր՝ սովետական կարգերը ամրապնդելու հետ միասին նախապատրաստում էին պայմաններ՝ հրավիրելու Սովետների համագումարը: 1921 թ. մայիսին Հայաստանի Ռեկոմը դարձավ Ժողովրդական Կոմիսարների Սովետ:

Նույն թվի վերջերին տեղի ունեցան գյուղական, շրջանային և գավառային Սովետների ընտրությունները: Իսկ 1922 թվի հունվարի 30 ին Երեանի Պետական Թատրոնի (այժմ Ստանիսլավսկու անվան ռուսական թատրոն) սրահում բացվեց Հայաստանի Սովետական Սոցիալիստական Ռեսպուբլիկայի Բանվորների, Գյուղացիների և Կարմիր-բանակայիների Սովետների առաջին համագումարը: Սովետների ընտրությունները կայացան աշխատավորների ակտիվ մասնակցությամբ և քաղաքական բարձր գիտակցությամբ: Ընտրություններն անցան քայքայված երկրի արագ վերականգնման նշանաբանի տակ և մի անգամ ես ապացուցեցին, որ Հայաստանի աշխատավորությունը և աշխատավորական ինտելիգենցիան միայն Սովետական իշխանության մեջ էին տեսնում երկրի փրկությունը և նրա ծաղկումը: Ընտրությունները ցույց տվին նրանց անսահման սերը և լիակատար վստահությունը դիպի այդ իշխանությանը:

Համագումարին մասնակցում էին 252 պատգամավորներ, որոնցից 239 վճռական ձայնով, իսկ 13 ը՝ խորհրդակցական: Ըստ սոցիալական դրություն 154-ը գյուղացիներ էին, 40-ը բանվորներ, 24-ը աշխատավոր ինտելիգենցիայի ներկայացուցիչներ և 34-ը կարմիր-բանակայիներ: Վերջիններս գյուղացիներ էին և նրանց թիվը պիտի ավելացնել գյուղացի պատգամավորների թվին, որով համագումարի գյուղացի պատգամավորների թիվը դառնում է 188 հոգի: Այդ թվերը ճիշտ էին արտացոլում Սովետական Հայաստանի այն ժամանակվա սոցիալ-դասակարգային պատկերը: Ըստ ազգության պատգամավորներից 21-ը հայ էին, 14-ը ադրբեջանցի, 21-ը ռուս, 1-ը հույն, 1-ը լեհ, 2-ը եզդի և 1-ը ասորի: Ըստ սեռի՝ տղամարդ 235 և կին 17:

Համագումարը քննեց հետևյալ հարցերը. 1. Ժողովրդական Կոմիսարների Սովետի գեկուցումը. 2. Սովետական Հայաստանի Կոնստիտուցիան. 3. Անդրկովկասյան Սովետական Ռեսպուբլիկաների Ֆեդերացիայի ստեղծման հարցը. 4. Նոր տնտեսական քաղաքականության կիրառումը Հայաստանում. 5. Հողագործության Ժողովրդական Կոմիսարիատի հաշվետվությունը. 6. Զեկուցում կոոպերացիայի մասին. 7. Պարենավորման Կոմիսարիատի հաշվետվությունը. 8. Հասարակական (սոցիալական) ապահովությունը Հայաստանում. 9. Զեկուցում Կարմիր Բանակի մասին. 10. Կենտրոնական Գործադիր Կոմիտեի ընտրությունը:

Համագումարում քննության դրված հարցերը պատահական չէին: Երկիրը մտիլ էր խաղաղ շինարարական աշխատանքի շրջանը: Սովետները փոխարինել էին ռեկոմներին և համագումարը պիտի մշակեր Սովետական Հայաստանի Կոնստիտուցիան (Հիմնական Օրենքը) այնուհետև նա իր խոսքը պիտի ասեր Անդրկովկասյան Սովետական Ռեսպուբլիկաների Ֆեդերացիայի մասին. - որը առաջ էր քաշվիլ ներքևից՝ Անդրկովկասի աշխատավորների կողմից: Դաշնակցականների փետրվարյան ավանտյուրայի լիկվիդացիան զուգահեռապես Սովետական Ռուսաստանում նոր տնտեսական քա-

դաքականության կիրառման առաջին քայլերին և միանգամայն հասկանալի է, որ համագումարը ցանկացավ իմանալ, թե ինչ է արվել և արվում այդ քաղաքականության կիրառման համար Հայաստանում: Հրատապ էին և գյուղատնտեսության, պարենավորման, կոոպերացիայի, սոցիալական ապահովության խնդիրները. որոնցով զբաղվեց համագումարը: Համագումարը դրադվեց և կարմիր Բանակի մարտունակության ավելի բարձրացման և ամրապնդման խնդրով:

Ժողովրդական Կոմիսարների Սովետի հաշվետու ղեկուցումով հանդես հեկավ նրա նախագահ Ա. Մյասնիկյանը, որը կանգ առավ Սովետական Հայաստանի արտաքին դրության վրա և այն ներքին անհետաձգելի խնդիրների վրա, որոնք կանգնած էին կառավարության առջև: Խոսելով դաշնակցական կառավարության կախման մասին իմպերիալիստական պետություններից, սպանիչ քննադատության ենթարկելով այդ քաղաքականությունը, որը շատ թանգ նստեց հայ ժողովրդին և նրան վերջնական կործանման դոան առջի կանգնեցրեց, ղեկուցողը իրավացիորեն դաշնակցության և հայ իրականությունում գործող մյուս բուրժուա-նացիոնալիստական պարտիաների հասցեին շարունակ հետեյալ խոսքերը.

«Դուք կախված էիք Անտանտայից, շրջապատված էիք ամեն կողմից . . . իսկ մենք խզեցինք այդ բոլոր կապերը, վերացրինք այս երկրի դիրքին կախված դաժուկյան սուրը և ավինք նրան իսկական անկախություն»:

Խոսելով այն խնդիրների մասին, որոնք կախված էին երկրի տնտեսական վերականգնման հետ, ղեկուցողը շեշտում է նոր տնտեսական քաղաքականության կիրառման անհրաժեշտությունը:

« . . . Եթե այսօր Ռուսաստանի քաղաքականությունը համարվում է նոր — հայտարարեց Ա. Մյասնիկյանը, — այդ քաղաքականությունը Հայաստանի համար ամենասկզբից պետք է լինի»:

Ձեկուցողը խոսելով առանձին Ժողովրդական Կոմիսարիատների աշխատանքների մասին, առաջին հաջողությունների և գոյություն ունեցող թիրությունների մասին՝ վերջում համագումարի ուղարկությունն է հրավիրում այն բացառիկ դժվարությունների վրա, որոնք կանգնած էին Սովետական իշխանության առջև Հաստատում, և որոնք հետևանք էին դաշնակցականների վարած հակա-ժողովրդական քաղաքականության և որոնց արդյունքում համար անհրաժեշտ էր անդուլ աշխատանք: Եւ չինարարական ստեղծագործ աշխատանքի էր հրավիրում երկրի բոլոր կարող ուժերին, բոլոր նրանց, ում համար թանկ էին Սովետական Հայաստանի շահերը: Իր ղեկուցման վերջում Ա. Մյասնիկյանը համոզվում է հայտնում, որ այդ դժվարությունները կհաղթահարվեն, Սովետական Հայաստանին օգնություն կգան բոլոր սովետական ռեսպուբլիկաները Սովետական Ռուսաստանի դիտավորությամբ:

Համագումարը առանց վիճարանությունների և միաձայն համաձայնություն է ստիս ժողովրդական Կոմիսարների Սովետի պաշտոնությունը:

Սովետական Հայաստանի Կոնստիտուցիայի նախագծի մասին ղեկու-

¹ Հայաստանի Սոցիալիստական Խորհուրդին Հանրապետության Բանվորների, Գյուղացիների և Կարմիր բանակայիների Պատգամավորական խորհրդի առաջին համագումարի արձանագրությունը, Երևան, 1922 թ., էջ 20:

² Նույն աղբյուր, էջ 38:

ցում է Ա. Մուսվյանը: Եւ հանդամանորեն կանգ է առնում այն սկզբունքային տարբերություն վրա, որ կա բուրժուական և սովետական երկրների կոնստիտուցիաների միջև, և ապացուցում է, որ Սովետական կոնստիտուցիան ամենագեղեցիկատականն է աշխարհում: Այնուհետև զեկուցողը ընթերցում է նախագիծը, որը համագումարը հողված առ հողված քննում է, ուղղումներ է մտցնում և ընդունում է Սովետական Հայաստանի առաջին կոնստիտուցիան: Այդ առթիվ համագումարի կողմից ընդունած բանաձևում ասվում էր.

«Հայաստանի Բանվորների, Գյուղացիների և Կարմիր-Ջինվորների Պատգամավորների Խորհուրդների առաջին համագումարը ընդունում է սույն Սահմանադրությունը (Հիմնական օրենքը):»

Այս հիմնական օրենքը իրագործվում է այն բողոքից, երբ նա կհրատարակվի վերջնական ձևով «Խորհրդային Հայաստանում»: Սա պետք է հրատարակվի խորհրդային իշխանության բոլոր տեղական թերթերում և պետք է կախվի բոլոր պետական հիմնարկություններում, աչքի ընկնող տեղում:

Հայաստանի Խորհուրդների առաջին համագումարը հանձնարարում է ժողովրդական Հուսավորության կոմիտեի անունով, որ Հայաստանի բոլոր զարոցական հիմնարկություններում, առանց բացառության, ուսուցվի սույն Սահմանադրության հիմնական կետերը, տյլև բացատրվի ու մեկնաբանվի»¹

Կոնստիտուցիան բաղկացած էր հինգ հատվածից, տասերկու գլխից և 89 հոդվածից: Առաջին հատվածում, որը կազմված էր մի գլխից—առաջին գլխից խոսվում էր իշխանության հիմնական սկզբունքների մասին. երկրորդ հատվածում, որը կազմված էր երկրորդ, երրորդ, չորրորդ, հինգերորդ, վեցերորդ և յոթերորդ գլուխներից, խոսվում էր Սովետական իշխանության կառուցվածքի մասին—Սովետների համագումարի, կենտրոնական Գործադիր կոմիտեի, ժողովրդական կոմիտեների Սովետի, տեղական իշխանությունների ընտրությունների, նրանց ֆունկցիաների և իրավասության ու Սովետների և Սովետների համագումարի պատգամավորների և գործադիր կոմիտեների անդամների պատասխանությունների մասին. երրորդ հատվածում որը կազմված էր ութերորդ, իններորդ և տասերորդ գլուխներից, խոսվում էր ընտրական իրավունքների, ընտրությունների կատարման և ընտրությունների ստուգման, բեկման և պատգամավորներին և տեղական մասին, չորրորդ հատվածում, որը կազմված էր և տասնհինգերորդ գլուխներից, խոսվում էր բյուջեի իրավունքի մասին և հինգերորդ հատվածում, որը կազմված էր տասերկուերորդ գլխից, սահմանվում և նկարագրվում էին Սովետական Հայաստանի պետական գիրքը և դրոշմը: Պետական դերրն էր Մեծ ու Փոքր Մասիսները, որոնց վերևում, ծագող արեգակի ճառագայթների մեջ գետնի վրա էին մուրճ և մանգաղ, իսկ ներքեում՝ խաղողի թուփ ողկույզներով: աջից և ձախից ցորենի հասկեր և ալիւի բարձր՝ ձիթենու ճյուղեր: Գերբի կրկնակի շրջագծերի արանքում արձանագրված էին «Հայաստանի Սոցիալիստական Խորհրդային Հանրապետություն» և «Պրոլետարներ բոլոր երկրների, միացե՛ք բաւերը: Պետության դրոշմ էր կարմիր գույնի կոորդ,

որի ձախ անկյունի վերևի մասում, փայտի մոտ, գետեղված էին Հ. Ս. Խ. Հ. տառերը կամ Հայաստանի Սոցիալիստական Խորհրդային Հանրապետություն բառերը:

Հսկիր Ստալինը Սովետների Համաժողովենական 8-րդ Արտակարգ Համագումարում ՍՍՌ Միության Կոնստիտուցիայի նախագծի մասին տված իր զեկուցման մեջ խոսելով այն տարբերության մասին, որ կա Կոնստիտուցիայի և ծրագրի միջև, ասում է.

«... Կոնստիտուցիոն Հանձնաժողովը, նոր Կոնստիտուցիայի նախագիծը կազմելիս, ելակետ է ունեցել այն, որ Կոնստիտուցիան չպետք է շփոթել ծրագրի հետ: Այդ նշանակում է, որ ծրագրի և Կոնստիտուցիայի միջև էական տարբերություն կա: Մինչդեռ ծրագիրը խոսում է այն բանի մասին, ինչ որ դեռ չկա և ինչ որ գոյություն է ձեռք բերվել ու նվաճվել ապագայում, Կոնստիտուցիան, ընդհանրապես, պետք է խոսի այն բանի մասին, ինչ որ արդեն կա, ինչ արդեն ձեռք է բերված ու նվաճված է այժմ, ներկայումս»:

Սովետական Հայաստանի առաջին Կոնստիտուցիան արձանագործվել էր մի նվաճում. Դ.ա՝ Սովետական իշխանության հաստատումն էր Հայաստանում և որոշում էր այդ իշխանությունների մարմինների կազմակերպման սկզբունքը, ֆունկցիաները և իրավասությունը: Հետագայում, Անդրկովկասյան Ֆեդերացիայի կազմակերպման կապակցությամբ, Կոնստիտուցիայի մեջ մտան փոփոխություններ և լրացումներ, հիմնովին վերամշակվեց նրա առաջին գլուխը: Եվ հասկանալի է դա՝ Ձեռք բերված նվաճումները պիտի մտնեին Կոնստիտուցիայի մեջ:

Անդրկովկասյան սովետական ռեսպուբլիկաների ֆեդերացիայի մասին համագումարում ղեկուցումով հանդես եկավ նույնպես Ա. Մուվյանը:

Այդ ռեսպուբլիկաների ֆեդերացիան անհրաժեշտ էտապ էր նրանց պատմության զարգացման մեջ: Այդ էր պահանջում Անդրկովկասում Սովետական իշխանության, ինչպես և նրա ժողովուրդների եղբայրական կապի ամրապնդումը, քայքայված տնտեսության արագ վերականգնումն, սոցիալիստական շինարարության հաղթանակը, արտաքին ուժի առջնմիասնական ճակատով հանդես գալու անհրաժեշտությունը:

Անդրկովկասյան ֆեդերացիան պիտի եղբայրական կապերով միացներ իրար հետ Անդրկովկասի ազդեցություններին, որոնց իրարից բաժանել և ըրար դեմ էին հանել մենշևիկները, դաշնակցականները և մուսավաթականները իրենց տիրապետության օրոք: Անհրաժեշտ էր, որ մոռացվեին արյունոտ անցյալը: Հսկիր Ստալինը՝ ՌԿ (բ) Մ ի խ ի ի համագումարում՝ պարտիական և պետական շինարարության ազգային մոմենտների մասին տված իր զեկուցման մեջ խոսելով մինչև Սովետական իշխանության հաստատումը Անդրկովկասում տիրող աղքատության թունոտ մթնոլորտի և Անդրկովկասյան Սովետական Ռեսպուբլիկաների ֆեդերացիայի դերի մասին, հայտարարեց. «... ահա փոխադարձ անվստահության այդ իրադրությունում, եթե Սովետական իշխանությունը չկարողանար Անդրկովկասում ստեղծել ազգային խաղաղության օրդան, որը կկարողանար կարգավորել տարածայնությունները և կոնֆլիկտները՝ մենք կվերադառնայինք ցարիզմի

¹ Ի. Վ. Ստալին - ՍՍՌ Միության Կոնստիտուցիայի նախագծի մասին, Երևան, 1948 թ., էջ 16.

էպոխային, կամ դաշնակների, մուսավաթիստների, մենշևիկների էպոխային, երբ մարդիկ այրում և մորթոտում էին իրարը»¹

1921 թ. նոյեմբերի 22-ին Թրիլիսի կոմունիստական պարտիայի համաքաղաքային նիստում Անդրկովկասյան ֆեդերացիայի մասին տված իր զեկուցման մեջ ընկեր Օրջոնիկիձեն, խոսելով ֆեդերացիայի անհրաժեշտության մասին, հայտարարեց.

«Անդրկովկասի սովետական ռեսպուբլիկաների միջև տնտեսական և քաղաքական ֆեդերացիան անհրաժեշտությունը այնպես ուժեղ էր, որ դեռ մինչև ֆեդերացիայի ձևի նախասահմանումն ինքնին կյանքի կոդից թելադրվում էր ռեսպուբլիկաների տնտեսական կյանքի մի շարք ճյուղերի անմիջական միացման անհրաժեշտությունը, ինչպես, օրինակ, երկաթուղիների, արտաքին առևտրի, մաքսային քաղաքականության, Իսկ միթե մեր ֆինանսական վակխանալիան չի պահանջում այդ հարցի միատեղ կանոնավորումն, Իսկ միթե ճահիճների չորացումը և ոռոգումը չի պահանջում բոլոր ռեսպուբլիկաների համատեղ աշխատանքը: Միթե Անդրկովկասի բոլոր ռեսպուբլիկաների տնտեսական կյանքը չի պահանջում միասնական պլան»²

Խոսելով Անդրկովկասյան ֆեդերացիայի ստեղծման անհրաժեշտության մասին, ընկեր Բերիան իր «ՍՍՌՄ-ի նոր հոսսափտուցիան և Անդրկովկասյան ֆեդերացիան» հոդվածում գրում է.

«Ինչպիսի պայմաններում է ստեղծվել Անդրկովկասյան ֆեդերացիան:

ա) Աշխատավոր մասսաների և հարմիր Բանակի միացյալ ջանքերով 1920—1921 թվականներին Ադրբեջանում, Վրաստանում և Հայաստանում հաստատվեց սովետական իշխանություն:

Բ) Անդրկովկասի սովետական ռեսպուբլիկաները ժառանգություն ստացան մենշևիկների, մուսավաթականների և դաշնակների տիրապետության կոդից իսպառ ավերված հետամնաց տնտեսություն:

գ) Մենշևիկների, դաշնակների և մուսավաթականների կողմից իմպերիալիստական ինտերվենտների ուղղակի դիրեկտիվով Անդրկովկասի ժողովուրդների միջև կազմակերպված արյունալի ընդհարումների հետևանքները դեռ վերացված չէին:

դ) Մենշևիկները, մուսավաթականները և դաշնակները ակտիվ պայքար էին մղում սովետական իշխանության դեմ, հրահրելով աղգային երկպառակություններ:

Անդրկովկասի ռեսպուբլիկաների այդպիսի զրությունը սովետական իշխանության ստեղծման և ամրապնդման սկզբնական շրջանում հրամայողաբար պահանջում էր Անդրկովկասի ռեսպուբլիկաների համատեղ ջանքերը՝ տնտեսական փուլումը վերացնելու և տնտեսությունը բարձրացնելու համար, հատուկ մարմին ստեղծելու համար, որը կարողանար կարգավորել փոխհարաբերություններն ազգությունների միջև (Ստալին), Անդրկովկասի ռեսպուբլիկաների համատեղ ջանքերը՝ մենշևիկների, դաշնակների և մուսավաթականների հակառուցիոն պարտիաները վերջնականապես ջախջախելու համար»:

¹ И. В. Сталин—Сочинения, том 5. Москва, 1947 г., стр. 251—252.

² Г. К. Орджоникидзе—Избранные статьи и речи, 1945 г., стр. 64.

³ Л. П. Берия—Новая Конституция СССР и Закавказская Федерация. «Правда», № 160 от 12 июня 1936 г.

Կար մի ուրիշ հանդամանք ևս, որը նույնպես պահանջում էր Անդրկովկասյան Ֆեդերացիայի ստեղծումը: Դա արտաքին ուժն էր, որի առջև անդրկովկասյան ռեսպուբլիկաները պիտի հանդես գային սերտորեն միացյալ ճակատով: 1922 թ. հունվարի 30-ին հանդես գալով ազգային հարցի շուրջը Վրաստանի կոմունիստական պարտիայի առաջին համագումարում, ընկեր Օրջոնիկիձեն, խոսելով իր ելույթում ընդհանրապես սովետական ռեսպուբլիկաների սերտորեն միացման անհրաժեշտության մասին իմպերիալիստական պետությունների հանդեպ, շեշտեց դրա անհրաժեշտությունը Անդրկովկասյան սովետական ռեսպուբլիկաների համար:

«Այդ հատկապես անհրաժեշտ է շեշտել, — հայտարարեց նա, — Վրաստանի, Հայաստանի և Ադրբեջանի նկատմամբ: Անտանտան ցանկանում էր նրանցից Բալկաններ ստեղծել, իսկ մենք կստեղծենք շահերի միասնականություն մը շաղկապված աշխատավոր ժողովուրդների եղբայրական ընտանիք»¹

Որպես իրաւստրացիա նման համերաշխ քայլի, ընկեր Օրջոնիկիձեն Սովետական Սոցիալիստական Ռեսպուբլիկաների Միության կազմակերպման մասին 1922 թ. դեկտեմբերի 11-ին Անդրկովկասյան Սովետների առաջին համագումարում տված իր գեկուցման մեջ բերեց Կարսի կոնֆերանսի օրինակը, 1921 թ. հոկտեմբերին անդրկովկասյան սովետական ռեսպուբլիկաների և Թյուրքիայի միջև պայմանագիր կնքվեց, որը լուծում էր մի շարք հարցեր երկու կողմերի միջև: Թյուրքիան պահանջում էր, որ պայմանագիրը կնքվի ամեն մի ռեսպուբլիկայի հետ առանձին-առանձին, սակայն անդրկովկասյան սովետական ռեսպուբլիկաները չհամաձայնեցին այդ առաջարկի հետ և պնդեցին, որ կնքվի մի պայմանագիր բոլոր ռեսպուբլիկաների հետ:

«... Թյուրքերը ցանկանում էին, — ասաց ընկեր Օրջոնիկիձեն, — կնքել առանձին պայմանագրեր Ադրբեջանի, Վրաստանի և Հայաստանի հետ: Թյուրքիայի հետ միասնական պայմանագրի կնքումն մի ավելորդ անդամ ապացուցում է, որ Հայաստանը, Վրաստանը և Ադրբեջանը հանդես են գալիս որպես մի ամբողջություն, որպես մի եղբայրական ռեսպուբլիկա»²

1921 թ. նոյեմբերի 29-ին Ռուսաստանի Կոմ (ր) Գ Կենտկոմը Լենինի և Ստալինի միատեղ առաջարկի հիման վրա որոշում է Անդրկովկասյան Սովետական Ռեսպուբլիկաների Ֆեդերացիայի ստեղծումը համարել սկզբունքորեն բացարձակապես ճիշտ, անհրաժեշտ և առաջարկում է այդ ռեսպուբլիկաների կոմունիստական պարտիաների Կենտրոնական Կոմիտեներին կենսագործել այդ որոշումը: Անդրկովկասի բոլոր կիսերը ընկերներ Ս. Օրջոնիկիձեի և Ս. Կիրովի գլխավորությամբ լայն բացատրական աշխատանք են տանում մասսաների մեջ, որոնք մեծ խանդավառությամբ են ընդունում այդ անհրաժեշտ քայլը, որովհետև նա համապատասխանում էր նրանց կենսական շահերին, ջախջախում են նացիոնալ-ուկրոնիստների, դաշնակցականների, մենշևիկների մուսավաթականների և այլ բուրժուա-նացիոնալիստական պարտիաների թափթփուկների դիմադրությունը Ֆեդերացիայի կազմակերպման գործում և ստեղծում են Անդրկովկասյան Ֆեդերացիան:

Հայաստանի Սովետների առաջին համագումարը խանդավառությամբ

¹ Դ. Կ. Օրջոնիկիձե — Избранные статьи и речи, стр. 70.

² Նույն տեղում, էջ 90.

և միաձայն հավանություն տվեց Ֆեդերացիայի կազմակերպման առաջարկին. այդ առթիվ ընդունված բանաձևում ասվում էր.

«Երեք խորհրդային հանրապետությունների, ուրեմն նաև Հայաստանի ինքնապաշտպանությունը իմպերիալիստական, հակահեղափոխական արշավանքներից հրամայորեն թելադրում է եղբայրական երեք հանրապետությունների ֆեդերացիան: Ֆեդերացիան ամուր կերպով կշաղկապի երեք հանրապետությունները ու նրանց դինամիկան և դիմադրական կարողությունը կդարձնի զորավոր: Ֆեդերատիվ կապով միանալու անհրաժեշտությունը թելադրվում է այլ և Հայաստանի, Վրաստանի ու Ադրբեջանի ներքին հակահեղափոխության դեմ կռվելու պահանջից: Պարտված դաշակցականները, մուսավթականները և մենչևիկները փայփայվելով իմպերիալիստական պետությունների կողմից՝ ծրագիր ունեն միասին հարձակվելու երեք հանրապետությունների բանվորա դուղացիական իշխանության վրա: Այդ մութ դավերը ընդունելով համար անհրաժեշտ է նրանց հակադրել երեք խորհրդային հանրապետությունների միացած երկաթե շարքերը: Հանրապետությունների տնտեսական վերաշինության խնդիրները նույնպես հարկադրական անհրաժեշտություն են դարձնում ֆեդերացիան՝ իբրև տնտեսական, շինարարական գործակցության հզոր միջոց: Եղբայրական հանրապետությունների ժողովրդատնտեսության տյժմյան ընկած վիճակը մեծ լափով հետևանք է նախկին կառավարությունների օրոք եղած եղբայրասպան կոիֆների և ավերումների—տնտեսական այդ մեծ վեժը պիտի բուժել նույն այդ հանրապետությունների շինարար ուժերի միացման կապերով, որով մենք կվերականգնենք, կյանքի կկոչենք մեր երկրի արտադրական կարողությունները:

Հայաստանի Բանվորների, Գյուղացիների և Կարմիր-Ջինվորների առաջին համագումարը խանդավառությամբ է ընդունում Հայաստանի, Վրաստանի և Ադրբեջանի խորհրդային հանրապետությունների ֆեդերացիայի հասունացած դադափարը և հանձնարարում է Հայաստանի Կենտրոնական Գործադիր Կոմիտեին գործնական բոլոր միջոցները շտապորեն կատարել ֆեդերացիան շուտով իրականացնելու համարը¹:

Համագումարը լսեց կառավարության զեկուցումը նոր տնտեսական քաղաքականության կիրառման առաջին արդյունքների և հետագա հեռանկարների մասին: Հայաստանում նոր տնտեսական քաղաքականությունն սկսեց կիրառվել քաղաքացիական պատերազմը վերջանալուց հետո: Նոր տնտեսական քաղաքականության կիրառման կապակցությամբ անհրաժեշտ էր անցնել տնտեսական հաշվարկման, պետական ելքը պիտի կազմվեր ըստ մուտքի, իսկ մինչև այդ պետական բյուջեն եղել էր ավելի շատ ծախսերի, քան թե եկամուտի բյուջե: Համագումարին կառավարությունը ծանոթացրեց 1923 թ. բյուջեի հետ, նրա մուտքի և ելքի առանձին հոդվածների հետ: Համագումարը հավանություն տվեց կառավարության ձեռնարկումներին և 1922 թ. տնտեսական աշխատանքների ծրագրին: Միաձայն ընդունված բանաձևում ասվում էր.

¹ Հայաստանի Սոցիալիստական Խորհրդային Հանրապետության Բանվորների, Գյուղացիների և Կարմիր-բանակայիների Պառզամալարական Խորհուրդների առաջին համագումարի արձանագրությունը ... էջ 120:

«Հայաստանի Խորհուրդների առաջին համագումարը լսելով կառավարության զեկուցումը տնտեսական նոր քաղաքականության մասին, հաստատեց, որ այդ քաղաքականությունն ազդի է, և իր հավանությունը ավելցապես քաղաքականությունը կիրառելու համար խորհրդային իշխանության կողմից ձեռք առնված միջոցներին»¹

Գյուղատնտեսության վերականգնումը Սովետական Հայաստանի կառավարության առաջնահերթ խնդիրն էր, որի լուծումը կհարվածեր սովին, առանց որի հնարավոր չէր մի որևէ նորմալ աշխատանք կատարել երկրում, և հնարավորություն կտար վերականգնելու Հայաստանի արդյունաբերության այնպիսի ճյուղերը, ինչպիսիքն էին սպիրտի արդյունաբերությունը, կաշեգործությունը, կոնսերվինը և այլն: Համագումարը չէր կարող չզբաղվել այդ կարևորագույն հարցով և նա քննարկեց Հողագործության ժողովրդական կոմիսարիատի զեկուցումը: Զեկուցման շուրջը բացված մեքերի փոխանակությանը մասնակցող պատգամավորները սուր կերպով էին դնում հողաշինարարության խնդիրը: Հայաստանի Ռեկոմը 1920 թ. դեկտեմբերի 18-ին հրապարակած իր դեկրետով ազգայնացրեց հողը: Դեկրետի առաջին կետում ասվում էր.

«Բանվորա-գյուղացիական ազգաբնակչության հողագույրկ և սակավահող մասը հողաբաժիններով ապահովելու և գյուղատնտեսությանը զբաղվել ցանկացողներին հողեր բաշխելու նպատակով, այլև հանրապետության բոլոր կարիքները բավարարելու համար, արքունական, նաղելի, եկեղեցապատկան, վանքային, վակուֆային, մեջիտային, իրավաբանական անձերի և մասնավոր հողերը դառնում են Հայաստանի Սոցիալիստական Խորհրդային Հանրապետության սեփականություն»:

Հողը ազգայնացնելուց հետո անհրաժեշտ էր այն բաշխել հողագույրկ և սակավահող գյուղացիությանը և մեծ թվով գաղթականությանը, վերջինիս կապելով հողի հետ, և այդպիսով ազատել նրան սպասողական դրությունից: Համագումարը որոշեց հողը բաշխել ըստ շնչերի, իսկ նորմաները որոշվելու էին ըստ տեգերի հողային ֆոնդի: Որպեսզի գյուղացին լավացնի իր հողաբաժինը՝ համագումարը որոշեց հողը հատկացնել 9 տարով, որից հետո միայն կատարել նոր հողաբաժանում: Հնարավորության սահմաններում վերջ պիտի տրվեր հողհեռավորությանը և հողցրվածությանը, առանձնացվելու և պահվելու էր հատուկ հողային ֆոնդ հայրենիք վերադարձող գաղթականության համար: Այդիները ենթակա չէին բաշխման, բացի նրանցից, որոնց տերերը կամ գտնվում էին երկրից դուրս, կամ թե կապ չունեին այգեգործության հետ:

Ծանր և լուրջ խնդիր էր հողաշինարարությունը: Նա էր, որ պիտի վերջ դներ հողային մեծ անհավասարությանը, որը գոյություն ուներ գյուղում դեռ ցարիզմի ժամանակից և ուժեղ սցիլ էր դաշնակցականների օրոք: Անհավասարություն գոյություն ուներ նաև առանձին գյուղերի միջև: Միջգյուղյա հողաշինարարական աշխատանքներն սկսվեցին 1920 թ. գարնանից և սկզբում դանդաղ էին ընթանում մասնագետ — հողաչափների թվի սահմա-

¹ Տես արդեն ցույց տրված՝ Հայաստանի Սովետների առաջին համագումարի արձանագրությունը, էջ 126:

Դեկրետի և հրամանների ժողովածու, պրակ 1-ին, էջ 1-ին, 1921 թ., էջ 31:

նափակ լինելու պատճառով: Այդ նույն պատճառով գյուղի ներքին հողա-
շինարարությունը, որ նույնպես սկսվեց 1922 թ. գարնանից և խոշոր նշա-
նակություն ունեւ հողը գյուղի ունեւոր խավի ձեռքից խլելու տեսակետից և
չէր կարելի հետաձգել հողաչափեր չլինելու պատճառով, կատարվում էր
հիմնականում գյուղացիների կողմից ընտրված փորձված չափարների մի-
ջոցով, որոնց աշխատանքն ընթանում էր գյուղական հողկոմիտեների ղեկավա-
րության և հսկողության ներքո: Նորմայից ավելի ունեցողներից հողերը
ներքին հողաշինարարության ընթացքում վերցվում էին և բաժանվում
հողադուրկ ու սակավահող գյուղացիների միջև: Այդ աշխատանքը հաճախ
հանդիպում էր կուլակ տարրի դիմադրության, որը ճնշվում էր:

Տնտեսական-քաղաքական խոշոր նշանակություն ունեւ 1922 թ. գար-
նանացանը, որի խնդրով և ղրաղվեց համագումարը: Հողժողովման ղեկուց-
ման առթիվ ընդունված բանաձևում այդ մասին ասվում էր.

«Իրև հիմնական և անհեաաձգելի խնդիր. մեր երկրի տնտեսական
վերաստեղծման ասպարեղում ծառացած է առաջիկա պարնանացանի լայն
և պլանամեր կազմակերպման գործը, որի ընթացքում անհրաժեշտ է կյան-
քի կոչել երկրի բոլոր գործոն ուժերը»¹

Համագումարը առաջադեց Հողժողովման հատուկ ուղադրություն
դարձնել գյուղատնտեսության բարձր կուլուրաների—այգեգործության,
բամբակագործության, ծխախոտագործության վերականգնմանը և գար-
գացմանը, ցույց տալով կոնկրետ միջոցառումներ այդ խնդիրը իրագոր-
ծելու համար, ուղադրություն դարձրեց ջրաբաշխական գործին՝ առաջար-
կելով Հողժողովման վերանորոգել հին առուները և սկսել նոր ջրանցքնե-
րի կառուցումը՝ առաջին հերթին էջմիածնի ու Շիրակի ջրանցքների կա-
ռուցումը: Այնուհետև համագումարը Հողժողովման առաջարկում է
բարձրացնել անասնապահությունը, առանձին ուղադրություն դարձնել
անտառների պահպանման և անտառաբուծության վրա, հրավիրելով ագ-
գաբնակությանը խնամքով մոտենալ անտառից օգտվելու գործին, պաշտ-
պանել նրան, նպաստել շերամապահության և մեղվաբուծության գար-
գացմանը, ծանոթացնել գյուղացիությանը գյուղատնտեսության բարձր
ձևերի հեա մասնագիտական դպրոցների, փորձադաշտերի, գյուղատնտեսա-
կան դասընթացների և լավ կազմակերպված ֆերմաների միջոցով: Համա-
գումարը հողի անհատական օգտագործման ձևի մասին ասում էր, որ օգ-
տագործման այդ ձևը պիտի դիտել որպես ժամանակավոր և անցողական
երևույթ, որը բխում է գյուղատնտեսության զարգացման ներկայիս պա-
հանջներից, և աստիճանաբար անցնել հողօգտագործման ավելի բարձր ձևի,
ինչպիսին են, օրինակ, գյուղատնտեսական արտելները, որոնք բարձ-
րացնելով գյուղատնտեսությունը, նրա արտադրանքը, դրանով իսկ
կբարձրացնեն գյուղացիության բարեկեցությունը:

Գյուղատնտեսության վերականգնումը համարելով առաջնակարգ խն-
դիր, առանց որի հնարավոր չէր երկրի ընդհանուր տնտեսական վերականգ-
նումը, հաժագումարը Սովետական Հայաստանի կառավարությանը հանձ-
նարարեց լարել երկրի բոլոր ուժերը այդ խնդիրը լուծելու համար:

¹ Տես Հայաստանի Սովետների առաջին համագումարի արգեն ցույց արված արձա-
նագրությունը, էջ 100.

«Մեն երկրի տնտեսության վերաշինման գործը,—ասվում էր համագումարի բանաձևում,—գերազանցապես կապելով գյուղատնտեսության զարգացման հետ, համագումարը հրահանգում է կառավարությանը յուր գործունեության հիմնական մոմենտը համարելով գյուղատնտեսության լայն կազմակերպումը՝ հրապարակ հանել այդ գործի կազմակերպչական և նյութական ուժերի մաքսիմումը»։

Համագումարը լսել է Պարենավորման ժողովրդական կոմիսարիատի զեկուցումը։ Հայաստանում սովետական իշխանությունը հաստատվելուց հետո այդ կոմիսարիատի վրա էր զրված բանվորների, սովետական ծառայողների, կարմիր բանակի, մանկատների, հիվանդանոցների, ուղղիչ տների պարենով մատակարարման խնդիրը։ Վերին աստիճանի ղեկավարին գործ էր դրվում Սի ուրևէ շոշափելի քանակությամբ պարեն հավաքել երկրի ներսում հնարավոր չէր, որովհետև գրեթե ոչինչ չէր մնացել ինչպես արդին մենք ասացինք, օգնության հասավ սովետական Ռուսաստանը, որը տվեց վայելուտա, պարենամթերք և մանուֆակտուրա Դաշնակների փետրվարյան ավանտյուրան ջախջախվելուց հետո Պարժոկոմատը հնարավորություն ունեցավ ավելի շատ ուշադրություն դարձնել արտաքին հայթայթումների վրա։ Պարսկաստանից, Պոսից Հայաստան ներմուծվեցին շուրջ 205 հազար փութ ցորեն, ալյուր, գարի։ Պարտիական և սովետական օրգանների եռանդուն աշխատանքի շնորհիվ հաջողվեց բավարար չափով հավաքել 1921 թ. պարենությունը, որի գանձումը առաջին անգամն էր կատարվում Հայաստանում։ 1921 թվին Պարժոկոմատը բաց էր թողել մեկ միլիոն 287 հազար 613 ոսկե ուրլու հալվով ապրանքներ Հայաստանի բնակչության հետեւյալ կատեգորիաներին և կազմակերպություններին՝ բանվորներին, ծառայողներին, մանկատներին, հիվանդանոցներին 604 հազար 839 ու, կարմիր բանակին—601 հազար 025 ու, երկաթուղու սպառողական կոոպերացիային—68 հազար 499 ու, Հայկոոպին—13 հազար 499 ու¹։ Ինչպես երևում է բերված թվերից՝ Հայաստանի աշխատավորները ամենասուղ ռոպին անգամ չէին մոռանում հոգալ կարմիր բանակի կարիքները։ Պարժոկոմատը կազմակերպեց և ապրանքափոխանակությունը գյուղի հետ, ուղարկելով այնտեղ մանուֆակտուրա, օճառ, աղ, նավթ, կոճակ, ասեղ և ուրիշ արդյունաբերական ապրանքներ։ Այդ միջոցով ևս հնարավոր եղավ փոքր քանակությամբ հացահատիկ և միս հավաքել։

Համագումարը հավանություն տվեց Պարժոկոմատի աշխատանքին և որոշեց.

«...նկատի ունենալով այն հանգամանքը, որ պարենությունը գանձումը 1922 թ. կազմելու է մեր հանրապետության խոշոր աղբյուրներից մեկը, համագումարը հրահանգում է Պարժոկոմին հենց այժմյանից դիմել կազմակերպչական աշխատանքի՝ 1922 թ. պարենությունը ավելի հաջողությամբ գանձելու համար»։

Նոր տնտեսական քաղաքականության կիրառման պայմաններում առաջնակարգ նշանակություն է ստանում առևտուրը, ապրանքաշրջանառությունը քաղաքի և գյուղի միջև։

¹ Նույն տեղում, էջ 134։

² Նույն տեղում, էջ 61։

«Այդ ժամանակաշրջանում (այսինքն՝ Նէպի ժամանակաշրջանում, ի. է.), — կարդում ենք մենք Համ. կոմ. (բոլշ.) պարտիայի պատմության համառոտ դասընթացում, — առևտուրը հիմնական օղակն էր պարտիայի առջև կանգնած խնդիրների շղթայի մեջ, Առանց այդ խնդիրը լուծելու՝ չէր կարելի ապրանքաշրջանառություն ծավալել քաղաքի և դյուղի միջև, չէր կարելի ամրացնել բանվորների և գյուղացիների տնտեսական դաշինքը, չէր կարելի գյուղատնտեսությունը բարձրացնել, արդյունաբերությունը քայքայումից դուրս բերել»¹ Այս թե ինչու Հայաստանի Սովետների առաջին համագումարը լսեց և Հայկոպի գեկուցումը:

Սպառողական կոոպերացիան Սովետական Հայաստանում առաջին շրջանում կազմակերպորեն Պարթոկոմատի մի բաժինն էր կազմում, օրի ֆունկցիան էլ, բաշխումն ու մատակարարումը: Այդ շրջանում կոոպերացիան ինքնուրույնություն էր վայելում միայն որոշ փոքր ժամանակից հետո, համաձայն կառավարության որոշումների, կոոպերացիան դառնում է ինքնուրույն, անկախ կազմակերպություն: Նա ստանում է նյութական միջոցներ, ինչպես և մի շարք արտոնություններ մասնավոր առևտրի դեմ պայքարելու համար: Արտաքին առևտրի իրավունքները նույնպես տրված էին նրան: Կոոպերացիան ուներ նաև արտադրական ֆունկցիաներ: Նա Հայաստանի զանազան մասերում կազմակերպել էր փոքր արտադրական ձեռնարկություններ և արտելներ, ինչպես օրինակ՝ օճառի դործարաններ Երևանում և Ալեքսանդրոպոլում, ծխախոտի գործարան Երևանում, մեքենագործական արհեստանոցներ Երևանում, մուճակի արհեստանոց և այլն:

Արձանագրելով կոոպերացիայի առաջին հաջողությունները, համագումարը կառավարությանը հանձնարարում է ավելի լայն աջակցություն ցույց տալ կոոպերացիային, նկատի ունենալով, որ:

«... Կոոպերացիան հանդիսանում է ոչ միայն ազդակը՝ նահապետական դյուղի արտադրական ուժերի բարձրացման..., այլև բանվորի և գյուղացու իշխանության պայմաններում խոշորագույն գործոններից մեկը՝ անհատային հոգեբանությամբ տոգորված մանր ու մեկուսացած արտադրողին ապագա սոցիալիստական տնտեսության զիրկը սփռելու և նրա մեջ գոյեկտիվ ոգի ու հատկություններ մշակելու գործում»² և որ «... լավ կազմակերպված կոոպերացիան հանդիսանում է գյուղի և քաղաքի ապրանքափոխանակության գործի կազմակերպման ամենահզոր միջոցը սոցիալիստական պետության մեջ, որը նպատակ ունի վերացնել մասնավոր կապիտալի կիրառումը ապրանքափոխանակության ասպարիզում, ուստի և հանդիսանում է սոցիալիստական հասարակարկի հաղթանակի հզոր խթաններից մեկը»³

Կոոպերացիայում, Հողօրհրկոմատում, Պարթոկոմատում և մի շարք ուրիշ հիմնարկներում «մասնադեմոնստրացիան» կամ «փորձված» աշխատավորների անվան տակ տեղ էին գտել դաշնակցական-ազգայնական տարրերը, որոնք քիչ չփնասեցին սովետական այդ օրդանների աշխատանքներին: Հետագայում նրանք մերկացվեցին որպես ժողովրդի թշնամիներ:

¹ Համամիութենական կոմունիստական (բոլշևիկների) Պարտիայի պատմություն, Համառոտ դասընթաց: Երևան, 1918 թ., էջ 356—357:

² Ցեռ. Հայաստանի Սովետների առաջին համագումարի արգեն ցույց տրված արձանագրությունը, էջ 181:

³ Նույն տեղում:

Սովետական իշխանությունը Հայաստանում տնտեսապես բոլորովին քայքայված երկրի հետ միասին որպես ժառանգություն ստացավ որբերի և զաղթականների բաղմահագուր բազմություն։ Ընչպես հայտարարեց համագումարում իր լիկուցման մեջ Ա. Մյասնիկյանը, որբերի թիվը հասնում էր մոտ 50 հազարի, իսկ զաղթականությանը 200 հազարից ավելի էր¹։ Առաջին համաշխարհային պատերազմի և զանակցական կառավարության հանցավոր քաղաքականության այդ դոճերի վիճակը չէր կարող չհետաքրքրել Հայաստանի աշխատավորներին, և համագումարը լսեց զեկուցում սոցիալական ապահովության գործի դրության մասին։

Կաղթականության մի մասը ժամանակի ընթացքում արդեն կապվել էր հողի հետ, իսկ մյուս մասին կապից Սովետական իշխանությունը՝ հող տալով նրան։ Պետական լուրջ խնդիր էր որբերի պահպանումը և դաստիարակումը։ Երկրի տնտեսական սուղ վիճակը թույլ չէր տալիս Սովետական կառավարությանը՝ որբերի պահպանման և զաղթականության օժանդակման գործը ամբողջովին իրեն վրա վերցնելու, և նա ստիպված էր ժամանակավորապես համաձայնվել ամերիկյան օգնության հետ այդ գործում, որը սկսվել էր գեո մինչև Սովետական իշխանության հաստատումը։ Անհրաժեշտ էր այդ որբերին դաստիարակել կոմունիստական ոգով, նրանցից պատրաստել սոցիալիստական շինարարության համար պիտանի աշխատույններ։ Համագումարի ընդունած որոշումը այդ մասին ասում էր.

«Համարելով որբերի հարցը ոչ միայն սոցիալական ապահովության, այլև սեծապես սոցիալական կրթության և դաստիարակության հարց՝ առաջարկվում է կենտրոնական Կոմիտեին արագացնել մանկատների հանձնումը և ուսժուկոմին»²։

Քիչ հետո, երբ բարելավվեց երկրի տնտեսական դրությունը, մանուկների պահպանման և դաստիարակման գործը իր ձեռքը վերցրեց կառավարությունը։ Այնուհետև համագումարը հրահանգեց տեղական իշխանություններին՝ առանձին ուղադրություն դարձնել սոցիալական ապահովության աշխատանքների վրա, կազմակերպել տեղերում ինքնօգնության գործը, հատուկ հոգացողության առարկա դարձնել կարմիր-բանակայինների ընտանիքներին օգնելու գործը։

Անդրկովկասյան կոնտրոկուլուցիոն ջախջախված պարտիաների՝ դաշնականների, մենջևիկների, մուսավաթականների ղեկավարները փախչելով Անդրկովկասից արտառահման՝ դավեր էին լարում անդրկովկասյան սովետական ռեսպուբլիկաների դեմ։ Եվրոպական մի քանի իմպերիալիստական պետություններ, ինչպես, օրինակ, Ֆրանսիան և Անգլիան, ի նկատի ունենալով Անդրկովկասի տնտեսական նշանակությունը և նրա աշխարհագրական դիրքը՝ ձգտում էին օգտագործել այդ կոնտրոկուլուցիոն ուժերն իրենց հակասովետական պլանների իրագործման համար։ Հիշված պարտիաների ներկայացուցիչները 1921 թ. հունիսին Փարիզում մի համաձայնագիր էին կնքել այն մասին, որ իրենց մեջ եղած վեճերը «վերջացած» են համարում և միանում են իրար հետ, նպատակ ունենալով տապալել Սովետական իշխանությունը Անդրկովկասում։ Համաձայնագիրը կնքված էր Ֆրանսիական

¹ Նույն տեղում, էջ 19։

² Նույն տեղում, էջ 120։

կառավարության գիտությունների Սովետական Ռուսաստանի վրա մի որեւէ կապիտալիստական պետության հարձակման դեպքում անդրկովկասյան կոնտրոկոլուցիոն ուժերը մասնակցելու էին այդ արշավանքին: Ելնելով այս բոլորի՝ համագումարը լսեց զեկուցում Կարմիր Բանակի գրութային և մարտունակության մասին:

Հայաստանում Սովետական իշխանություն հաստատվելուց անմիջապես հետո հատուկ ուշադրություն է դարձվում Կարմիր Բանակի կազմակերպման գործին: 1921թ. դեկտեմբերի 5 ին սկսվում է Ռազմական Ժողովրդական Կոմիսարիատի կազմակերպման աշխատանքը: Բանակում մտցվում է կոմիսարների ինստիտուտը, նրա շարքերից արտաքսվում է հակառակույցիոն սպայությունը, զորացրվում են բարձր հասակավոր զինապետները: Հայկական Կարմիր Բանակի կորիզը կազմեցին՝ Լազար — Դիլիջան շրջանի մայիսյան ապստամբության մասնակիցները, որոնք ապստամբությունից հետո ստիպված եղան ժամանակավորապես նահանջել Սովետական Ադրբեյջան: Բանակը դեռ իր կազմակերպական շրջանն էր ապրում, երբ սկսվեց դաշնակցականների փետրվարյան կոնտրոկոլուցիոն ելույթը: Քառասունհինգ օր տևող մարտերում Հայկական Կարմիր Բանակը ցույց տվեց իր անսահման սերը դեպի Սովետական իշխանությունը, տոկունությունը և ռազմունակությունը: Այժմ, քաղաքացիական կռիվը վերջանալուց հետո, անհրաժեշտ էր ուժեղացնել քաղաքական-դաստիարակչական աշխատանքը, ստեղծել կանոնավոր, իր դիսցիպլինայով ուժեղ և էլ ավելի մարտունակ բանակ: Այդ զեկուցման առթիվ համագումարի ընդունած որոշումում ասվում էր.

«Հայաստանի Կարմիր Բանակը քաղաքացիական կռիվի դաշտում ցույց տալով իր հեղափոխական անձնվիրությունը բանվորադուղայիական մասսաների հանդեպ, այժմ անցել է իր շարքերի վերակազմության և ամրացման: Այս գործում տեղական խորհուրդները շատ մեծ դեր ունեն կատարելու: Նրանք պետք է ամեն տեսակ նյութական և բարոյական աջակցություն ցույց տան մեր զորամասերին և բոլոր հնարավոր միջոցներով աշխատեն բարձրացնել Կարմիր Բանակի բարեկեցությունը, նրա մտավոր և բարոյական դաստիարակությունը...»

Աորհրդային իշխանության կարմիր դրոշի պաշտպանությունը Կարմիր Բանակին հանձնելով՝ համագումարը հանձնարարում է հենագործկոմին և տեղական բոլոր խորհրդային օրգաններին ամենամեծ ջանքերը թափել Կարմիր Բանակի կուլտուր-կրթական և քաղաքական լուսավորության աշխատանքների համար, որով մենք Կարմիր Բանակի ուժն ու գիտակցությունը էլ ավելի կբարձրացնենք և նրան կդարձնենք անսասան ու անհաղթ պաշտպանը կարմիր դրոշակի, որ կազմ-պատրաստ կլինի ջախջախելու հակահեղափոխությունը երկրի ներսում և պաշտպանելու երկիրը դրսի հարձակումներից:¹

Համագումարը վերջին նիստում, փետրվարի 4-ին, ընտրում է հենարոնական Դործադիր Կոմիտե և ղրանով վերջացնում իր աշխատանքները:

Համագումարը անձամբ ողջունեց հայ ժողովրդի լավագույն բարեկամներից մեկը՝ Ս. Օրջոնիկիձեն, որին համագումարը ընդունեց մեծ խանդավառությամբ: Իր ողջունի խոսքում ընկեր Ս. Օրջոնիկիձեն ասաց.

¹ Նույն տեղում, էջ 125—126.

«Ընկերներ, երկրորդ անգամ է, ինչ ինչ վիճակվում է լինել այս դահլիճում: Առաջինն այն ժամանակ, երբ խորհրդային իշխանությունը եկել էր ազատելու այս երկրի աշխատավորությունը, ինչ հաջողվեց հանդիպել հայ աշխատավորությանը, որը լցված էր անգուսպ էնտուզիազմով: Դավաճան դաշնակներին վերջնական հարված տալուց հետո ձեր երկրի խորհուրդները այս առաջին համադումարին վրաց աշխատավորության կողմից տալիս եմ խոնարհ ողջույններ և եղբայրական բարևներ... խորհրդային իշխանությունը եկավ ու ապացուցեց, որ իրոք, նա Հայաստանի աշխատավորությանը գիշատիչներից ազատելու համար է եկել: Աղբբջանում մենք որոշեցինք օգնական ուժ տալ հայ աշխատավորությանը, և նա մի կամք դարձած և միայն մի գնդի օժանդակությամբ ազատագրեց իրեն: Արտաքին բոլոր ուժերը, բացի Ռուսաստանից, Հայաստանը ի նկատի ունեին որպես շահագործության մի առարկա, իսկ Ռուսաստանի վերաբերմունքը արդեն պարզ է:»¹

Իր ողջույնը Ս. Օրջոնիկիձեն վերջացնում է կոչելով Հայաստանի աշխատավորներին շինարար աշխատանքի:

«Ես ձեզ կոչ եմ անում, ընկերներ,—ասաց ընկեր Օրջոնիկիձեն,—նորոգել քանդված Հայաստանը, վերականգնել նրա տնտեսությունը, օգնել հարմիր Բանակին...»²

Համագումարը հանձին Համառուսական հենտրոնական Գործադիր Կոմիտեի նախագահ ընկեր Կալինինի, իր շնորհակալական խոսքը ուղղեց ռուս ժեռ ժողովրդին: Դիմումում ասվում էր.

«Հայաստանի խորհուրդների համագումարը առաջինն է, որ իրականացնում է երկրի իշխանությունը ամբողջ աշխատավորությանը հանձնելու փառավոր ժամը և հիացմունքով ու սիրով լի իր հայացքը, իր հոգու անկեղծ խոսքն է ուղղում բանվորա-գյուղացիական Ռուսաստանին: Համագումարը գիտակցում է այն օգնությունը, որ խորհրդային Ռուսաստանը ցույց է տվել մեր երկիրը Արևմտյան Եվրոպայի իմպերիալիստների ու նրանց ծառա դաշնակների լծից ազատելու գործում: Համագումարը իր շնորհակալությունն է ուղղում Ռուսաստանի փառավոր հարմիր Բանակին, որ Հայաստանի մասսաներին աջակցեց խորհրդային իշխանության կարմիր զորակը բարձրացնելու համար:

Իր ջերմ ողջույնն ուղղելով Ռուսաստանի Բանվորա-Գյուղացիական և հարմիր Զինվորների Պատգամավորական խորհուրդների հենտրոնական Գործադիր Կոմիտեին՝ Հայաստանի խորհուրդների համագումարը Համառուսական Կ. Գ. Կոմիտեին հայտնում է Հայաստանի աշխատավորության կամքը—մենք ժեր հաղթական զրոշակը բարձր կպահենք, և ոչ մի ուժ այդ զրոշակը սեր ձեռքից խլել չի կարող:»

Համագումարը դիմեց Հայաստանի աշխատավորներին՝ կոչ անելով նրանց՝ եռուն աշխատանք ծավալել երկիրը վերաշինելու համար և արթուն հսկել, որ թշնամին չխանգարի երկրի անդորրությունը:

«Հայաստանի աշխատավոր մասսաները,—ասվում էր կոչում,—հայ,

¹ Նույն տեղում, էջ 118.

² Նույն տեղում, էջ 118.

³ Նույն տեղում, էջ 140—141.

թուրք, եգիպտացի, ռուս վերջապես իրականացած են տեսնում իրենց դարավոր իղձը՝ իրենց կյանքի, իրենց հալալ աշխատանքի տերն են դառնում։ Յուրաքանչյուր գյուղացի, բանվոր ու զինվոր այսուհետև պիտի խորապես գիտակցի, որ այլևս ինքն է Հայաստան երկրի միակ տերը, իր բախտի միակ տնօրինը։

Այս պատմական և հանդիսավոր ժամին Հայաստանի աշխատավորը զգվանքով ու զայրույթով է մտաբերում իր մոտավոր անցյալի մոռյալ էջերը և նրանց տխրահոչակ հեղինակներին։ Նրանց թողած ավերակները, բազմաթիվ գաղթականները ու որբերը, սրի ու հրի մատնված շենքերն ու ավանները նողկանքի ու նախատինքի մի սևավոր արձան են նախկին ապիկար կառավարության, որը Հայաստանի ժողովուրդներին համար այնքան թանգ գնով ցանկացավ եվրոպական հողատերերի ու փողատերերի, իմպերիալիստական գայլ ու գազանների հնազանդ կամակատարը հանդիսանալ։

Այս պատմական և հանդիսավոր ժամին Հայաստանի աշխատավորը հիացմունքով ու հրճվանքով է դարձնում իր աչքը դեպի հեղափոխական Ռուսաստանը, որը ծառս ելնելով իմպերիալիստական աշխարհի դեմ՝ խորտակեց նրանց շղթաները և իր կենսարար, պայծառ ու ազատարար ճանձնները տարածեց մինչև Հայաստան։

...Մենք վառել ենք մեր օջախը փլատակների մեջ ու վարում, ցանում ենք մեր ամառի դարձած արտերը, մենք կշնացնենք մեր երկիրը վերստին, ինչպես բազմիցս շենացրել ենք թշնամի ուժերի սրածուծ թյուններից ու ավերածուծ թյուններից հետո։ Իրա համար է փողփողում մեր երկրում Խորհրդային իշխանության կարմիր դրոշակը, խաղաղության և աշխատանքի մեր նվիրական դրոշակը։ Եվ թող հայ աշխատավոր մասսաների հանգիստը վրդովնել կամեցողները լավ իմանան՝ այսօր հայ ժողովուրդը այլևս առաջվա պես մենակ չի, նրա կողքին կանգնած են եղբայրական Ադրբեջանը ու Վրաստանը, նրա թիկունքին՝ հզորագոր Ռուսաստանը։

Հայաստանի աշխատավոր ժողովուրդների անդրանիկ համագումարը հայտարարում է իր անհողգող կամքը՝ վերականգնել երկրի տնտեսությունը, ստեղծել բանվորա-գյուղացիական բարեկեցիկ կյանք։

Ով էլ լինի, որտեղից էլ լինի սպառնացողը այդ կենսարար շինարարության՝ նկատվելու է որպես թշնամի հեղափոխության ու աշխատավոր մասսաների։

Համագումարը ողջունի խոսքով դիմեց և հայկական գաղութների աշխատավորներին։ Դիմումում խոսվում էր Սովետական Հայաստանի միջազգային և ներքին դրություն և այն մեծ շինարարական աշխատանքի մասին, որին եռանդով կպել էին Հայաստանի աշխատավորները, և համոզմունք էր հայտնվում, որ հայկական գաղութների աշխատավորները կշարունակեն պայքարել հայ աշխատավորների ոխերիմ թշնամիների՝ դաշնակցականների դեմ։

«Հայաստանի խորհուրդներին առաջին համագումարը, — ասվում էր դիմումում, — լիահույս է, որ երկրի վերաշինության և նրա ապագայի դարձանման գործում նրա հետ է նաև գաղութների հայ աշխատավորությունը։

Կարված բուն երկրից, գաղութների աշխատավորութունը ոչինչ չպիտի խնայի իր օգնութունը հասցնելու երկրի աշխատավորությանը, որի քայքայված տնտեսութունը վերականգնելը և երկրում ծվարած գաղթականության փրկության գործը պետք է զբաղեցնի գաղութաբնակ ամեն մի հայ աշխատավորին։

Սովետների անդրանիկ համագումարը նախ և առաջ կոնսախտուցիոնալ համագումար էր և նա որպես աղապիսին կմտնի Սովետական Հայաստանի պատմության մեջ։ Միաժամանակ նա իր խոսքն ասաց Անդրկովկասյան Ֆեդերացիայի ստեղծման մասին և սովետական ղեկավար օրգանների համար նշեց այն ուղիները, որոնցով նրանք պիտի ընթանային ժողովրդական տնտեսության վերականգնման շրջանի մեկ տարվա—1922 թվի ընթացքում՝ մինչև Սովետների երկրորդ համագումարը, որը տեղի ունեցավ նույն թվի նոյեմբերի 30-ին։